

B. N. C.
PIRENZE
1051
6



ALL
BRUN



7

10
10



THESES
PHILOSOPHICÆ

QUAS

ILLUSTRISSIMO DOMINO

D. JO: PHILIPPO
IN CONTRI

PATRITIO FLORENTINO

MARCHIONI MONTIS VIRIDIS, CANETI &c.

D. D. D.

ATTILIUS BRUNI

IN FLORENTINO SCHOLARUM PIARUM COLLEGIO

PHILOSOPHIÆ AUDITOR.



FLORENTIÆ. MDCCXXVIII.

TYPIS REGIÆ CELSITUDINIS

Apud Tartinium, & Franchium. Superiorum Permissu.



*Ex legato D. Equitis. Honoris. Francisci
Marini*

Hominis mens differendo alicur, & cogitando, semper
aliquid, aut inquirir, aut agit, & audiendi delecta-
tione ducitur.

Cic. de Offic. Lib. 1.



ILLUSTRISS. DOMINE.



Irari plerique solent, Illustrissime Domine, cur egregium illud Sapientia lumen Pythagoras, a quo maximum Philosophia splendorem, & nomen ipsum accepit, Auditoribus olim suis severius indixerit, ut Præceptoris effata, quæ potius mysteria dixerim, per quinquennium animo reco-

lentes, aliè silentio premerent, ac veluti nefas ducerent, si quis illa fortassè liberius evulgaret. Verum, ut opinor, non ea Pythagoræ mens fuerat, ut pulcherrima Sapientia species privatos inter parietes tamdiu delitescere cogeretur, sed, ut vulgariæ hominum frequentiam, quorum opinionibus, ut inquit Cicero, in errorem sæpius abripimur, consilio ipsa fugiens, ingennos tantum, ac liberales homines, quos Veritatis amor incenderet, arctissimè complecteretur.

A 2 Hinc

*Hinc, cum Pbluntem Pythagoras ipse venisse dicitur, non
privatim, ac remotis arbitris de rerum naturâ disputavit,
sed coram Leonte Pblasorum tyranno, caterisque Viris
principibus, qui illuc Ejus famâ permoti convenerant, ele-
ganter aded, copiosèque disseruit, ut omnes in maximam
admirationem excitaverit, eternumque sibi Sapientis nomen,
quod ceteris tamen modestior recusaverat, obtinuerit. Non
erit igitur, Illustris Domine, quod audacie notam iniri
mibi posse jam verear, si emenso, non quinquennij, sed brevi
temporis spatio, ex quo Philosophia studiis nomen, atque
operam dederim, eâ præsertim ætate, quæ non severiori-
ribus modò, sed jucundioribus etiam studiis adhuc immatura
videri poterat, publicum ingenij mei specimen exhibere, &
Philosophicas Theses exponere non dubitaverim. Intelligo
siquidem in eâ Sapientum hominum cororâ mibi rem esse
futuram, qui singulari bonarum artium splendore maximè
excellent; qui hæc ipsa Philosophia studia, iisque deditos
Adolescentes, perbum inter complectantur; in quorum deni-
que sinum quidquid in hac uberrimâ facultate afferrî pos-
sit contolare propemodum videatur. Cum vero Te, Illu-
strissime Domine, studiis hisce meis auspiciem, ac patro-
num habere contigeris, alacri certè, serenâque fronte pri-
ma hæc illorum pax prodire debuit, felicemque sibi exitum
polliceri, quod plurimus illi splendor ex dignitate tuâ, vir-
tute; sapientiâ; caterisque animi tui dotibus, quas à Ma-
joribus tuis immortalis gloria Viris in Te derivatas admi-
ramur, prorsus accedat. Hanc itaque voluntatem meam,
hoc ingenij mei specimen, eternumque grati animi monu-
mentum tuam in fidem recipias, & quemadmodum maxi-
mis hætenus beneficiis me semper uberrimè cumulasti, ita
hoc etiam illis additum velis, ut auspice Te, aliquâ saltem,
quamvis exiguâ, significatione obsequium meum ostendere,
publicèque testari possim.*



EX PROEMIALIBUS PHILOSOPHIÆ.

I.

PHILOSOPHIA nihil est aliud, quàm studium, & amor *Sapientiæ*; *Sapientiæ* verò, ut à Veteribus Philosophis optimè definitum est, rerum divinarum, & humanarum, causarumque, quibus hæ res continentur, scientia. [1].

II.

Quamvis autem Pythagoras Philosophi nomen invenerit, omniumque primus illud usurpaverit, compertum est tamen longè antiquiores esse Philosophos; & amorem Sapientiæ apud singulas ferè gentes antè Pythagoram floruisse.

III.

Plurima certè sunt argumenta, quibus evidentissimè demonstratur primum hominem primum Philosophum esse debuisse: & quemadmodum a sacris Literis erudimur, primum hunc hominem fuisse Adamum, ita quoque ab illis ostenditur inditam esse Adamo rerum omnium cognitionem.

[1] Cic. Offic. II.

IV.

Quâ verò serie, quibusve incrementis post primi Parentis peccatum, offusamque menti nostræ caliginem ad posteros illa pervenerit, definiri vix potest; Credibile est tamen a patribus in nepotes derivatam novis subinde observationibus, & experimentis paullatim Illam adolevisse.

V.

Assyriis tamen, & Chaldeis Philosophia plurimum debet: a quibus trajecto mari ad Græcos tandem delata accuratissimis illorum studiis adeò amplificata est, ut omnibus ferè numeris absoluta videretur.

VI.

Ab illis etiam Sapientiæ fons, qui principiò unicus fuerat, in plures veluti rivulos est derivatus. Inde etenim quatuor Philosophiæ partes, Logica nimirum, Physica, Moralis, & Metaphysica prodierunt.

VII.

Inde quoque ingens ille Sectarum numerus erupit, quas inter principes haberi solent Jonica, Italica, & Eleatica, quæ Thaletem, Pythagoram, & Xenophanem auctores habuerunt.

VIII.

Atque hæc quidem divisiones cum partim Philosophiæ dignitas, & ubertas, partim rerum obscuritas, partim veritatis amor invexerint, sola innovandi, dissentiendique cupiditas in causâ fuit, ut quidam Philosophi Dogmatici

tici vocarentur, quòd omnia suæ Sectæ Placita constan-
tissimè defenderent; alii Pyrrhonicì, vel Acataleptici;
quòd de omnibus dubitarent.

VIII.

Cùm autem hoc ferè dementiam, illud verò arrogantiam
præferat, [*quid est enim tam temerarium, quàm falsum sen-
tire, aut quod non satis exploratè perceptum sit, & cognitum
sine ullà dubitatione defendere?* (1)] inter utrumque pendere
Viri Cl. consueverunt, illam potissimùm philosophandi me-
thodum sequuti, quam Socrates, Plato, aliaque Sapien-
tiæ lumina prodiderunt: & Academica, vel, ut Potamo-
ni Alexandrino libuit, Eclectica nuncupatur.

X.

Nos itaque, licèt Pyrrhonicis, Scepticis, & Cartesianis mi-
nimè concedamus de rerum existentia, primis cognitio-
nis nostræ principiis, atque universaliter de omnibus du-
bitandum esse, *opera samen pretium fore arbitramur aliquid
scientiæ habere volentibus bene dubitare*, [2] *cùm primus Sa-
pientiæ gradus sit falsa intelligere* [3].

EX LOGICA.

XI.

AD cæteras Philosophiæ partes, ac disciplinas omnes se-
liciter comparandas aditum præbere. ac veluti faciem
præferre dicitur Logica, quam donum *Deorum* a Socrate
[4], *disciplinam disciplinarum* ab Augustino [5], *Artem o-
mnium artium maximam* a Cicerone [6] optimè vocatam esse
defendimus.

A 4

XII.

[1] Cic. T. Nat. [2] Aristot. 119. Metaph. [3] Laët. divin. Instit. IV. c. 13. [4] apud
Plat. in Phil. & Apul. in Fior. [5] 11. de Ord. c. 13. [6] in Bruto.

Tanta siquidem est illius præstantia, atque utilitas, ut, si Mathematicas solum facultates exceperis, nulla prope-
modum Scientia in statu perfectio, sine Logica acquiri pos-
sit.

XIII.

Cum verò Logica non solum præcepta tradere, sed illis
etiam uti consueverit, in Docentem, atque Utentem satis
accommodè distingui solet, veluti in duo munera ejus-
dem habitus, seu disciplinæ.

XIV.

Inde etiam fieri potuit, ut partim Scientia, partim Ars Lo-
gica diceretur: habet hoc enim commune cum artibus,
ut præcepta tradat, cum scientiis verò, ut eadem præ-
cepta certò, ac infallibiliter demonstret.

XV.

Non tamen, ut plerique opinantur, partim practicus, par-
tim speculativus habitus putari illa debet, sed longè ve-
rissimilius est Logicam totam, atque simpliciter esse spe-
culativam.

XVI.

Certè non aliud proponitur Logicæ, non aliud illa contem-
platur, quam ut operationes omnes Intellectus ad ve-
rum dirigat; adeoque quidquid a Logica efficitur ad co-
gnitionem ipsam, vel speculationem unice referri debet.

XVII.

Tres autem operationes ejusmodi meritò numerantur Per-
ceptio, Judicium, & Discursus: non etenim Methodum
distinctam ab illis operationem esse arbitramur.

XVIII.

Si mentis igitur operationes secundum præcepta Logicæ dirigantur, Veritatem ipsam assequi nos posse defendimus; hanc etenim ab hominibus acquiri posse, inde etiam maxime ostendi potest, quod non solum ingenito quodam illius amore rapiamur, sed potentia quoque nobis indicata sint, quibus illam ærtissimè complectamur.

XIX.

Insidet sanè sensibus nostris quædam veritatis Nota, quæ, cum plerumque nos deferat, ad ingenitum mentis lumen, atque innatas rerum ideas revocari debet; undè in clara, distinctaque rei perceptione Criterium Veritatis meritò constituitur.

XX.

Ea ratione plurima certò, ac evidentè cognoscimus, adeoque Scientia admitti debet; quæ cum certa simul, ac evidens esse debeat, nullâ ratione circa idem objectum cum opinione, vel fide componi potest.

EX PHYSICA GENERALI.

XXI.

Pulcherrimam, jucundissimam, cæterisque omnibus antiquiorem Philosophiæ partem Physicam esse arbitramur, cum Illa potissimum ab iis, quos primos cognitionis amor incenderat, excolta fuerit, elegantissimis etiam veterum Poetarum carminibus illustrata.

XXII.

XXII.

Quamvis autem innumera sint, quæ omnem adhuc ingenii, vel cognitionis nostræ vim superant, aut levibus solum conjecturis in Physicâ nunc ostenduntur, inter scientificos tamen, & speculativos habitus enumerari illa debet.

XXIII.

Certè cum Physica Ens mobile, ejusque proprietates, & accidentia speculetur, ac plures etiam in partes optimè distinguatur, quibus ejusdem Corporis mobilis Principia, Causas, Proprietates, & Accidentia complectatur, plurima quoque de illis certò, ac infallibiliter demonstrat.

XXIV.

Neque mirari quis debet innumeras ferè opiniones a Veteribus, Recentioribusque Philosophis de rerum principiis inventas esse, cum ipsa rerum obscuritas, veritatis, & novitatis amor in causâ fuerit, ut non uosam omnes sententiam amplecterentur.

XXV.

Mirari potius quis debet, quod, licet *Antiqui videantur differre de rerum principiis, pulchrè tamen consentiunt* (1): *Etenim etsi aliam causam, quàm materiam, dicunt tamen solum tangentes eam valere finem.* (2)

XXVI.

Hinc illustriores Philosophorum omnium opiniones aliquâ ratione conciliari, atque illustrari posse Viri Cl. exillimarunt; dummodo tamen ita explicentur, ut ab Auctoribus ipsis expositæ fuerant.

XXVII.

(1) Simplicius in 1. Phys. tex. 8. (2) Aristoteles 11. Phys.

XXVII.

Neque enim Pythagoras omnia ex numeris, sed solum secundum numeros composita dixisse fertur, neque Plato Ideas ullas agnovisse a Deo, vel a substantiis omnibus separatas, neque Xenophanes unicum rerum principium admisisse; adeoque Illorum omnium sententiæ sic explicatæ neque ab aliorum opinionibus, neque ab ipsâ veritate plurimum diffident.

XXVIII.

Illud est igitur a Philosophis omnibus observatum, atque a Philosophis omnibus admitti debet, dari in rerum naturâ veram mutationem substantialem, cujus principia sint tria Materia, Forma, & Privatio: atque inter illa Materiam unicam, potentialem, ingenerabilem, incorruptibilem esse oportere.

XXIX.

Hinc autem facillè apparet, neque elementa Cartesii, neque athomos Epicuri, neque elementa Chymicorum, neque particulas Anaxagoræ prima rerum principia in verâ Peripateticorum sententiâ vocari posse.

XXX.

Quodû minùs feliciter de materiali rerum omnium Principio loquutus est Anaxagoras, meritò tamen ab Aristotele commendatur, quòd omnium primus extrinseca quoque rerum Principia sit contemplatus: undè nunc optimè a Philosophis omnibus quatuor Causarum generadi-
stingi solent.

XXXI.

Has inter Causæ Efficientes cæteris omnibus nobiliores haberi solent; quæ miro etiam ordine, & nexu ita inter se conjunguntur, ut una ab alterâ moveatur, atque omnes denique a causâ omnium primâ: neque enim aliquid a se ipso moveri, aut in serie, vel numero causarum in infinitum procedi posse putamus.

XXXII.

Perperam verò Fortunam, aut Casum primam ejusmodi rerum omnium causam nonnulli effinxerunt, cum ipsa rerum varietas, ordo, pulcherrima dispositio cuncta a solo Deo fieri potuisse manifestissimè demonstret.

XXXIII.

Tanta autem est divinæ hujus causæ vis, & potestas, ut ipsas hominum voluntates, non moraliter solum, & simultaneè, sed etiam physicè, ac præviè moveat *habens sine dubio humanorum cordium, quod placeret, inclinandum omnipotentissimam potestatem* [1].

XXXIV.

Neque tamen hinc fieri existimaveris, ut humana libertas minui, vel lædi possit, *cum enim Deus vult fieri aliquid, quod nonnulli volentibus hominibus oporteres fieri, inclinatur eorum corda, ut hoc velint. eo scilicet inclinante, qui in nobis mirabili modo, & ineffabili operatur & velle* (2).

XXXV.

[1] Aug. de Corrept. & Gratia c. 14. [2] Aug. lib. de Præd. Sanct. c. 10.

XXXV.

Quemadmodum etiam auctor peccati, cujus est ultor, Deus esse, vel dici non potest; nam licet motio Dei ad operationem ipsam, vel materiale peccati, quod in se bonum est, extendatur, ad formale tamen illius, sive ad malitiam, quæ est pura privatio, vel purum nihil, extendi non potest.

XXXVI.

Sed quamvis efficacissima sit Dei voluntas, & motio, ac omnia in omnibus operetur, perperam tamen existimant nonnulli Creaturas nihil efficere, nihilque operari, adeoque causæ efficientis nomen mereri non posse.

XXXVII.

Plurima siquidem ab illis in rerum naturâ producuntur, licet non solum a Deo, sed etiam a certo quodam loco, vel tempore in operando dependeant, ut nulli proinde Creaturæ in distans agere concedatur.

XXXVIII.

Ipsa quoque finalis Causa, licet extrinseca, sit præsens subjecto, in quod operatur, per proprium amorem, quo causas efficientes allicit, atque ad agendum invitat; unde solum Bonum veluti Finis amari potest.

XXXIX.

Quo certè loco Cartesius reprehendi posse videtur, qui causæ finalis cognitionem omnem a Physicâ ablegandam esse putavit; quamvis ingenuè fatendum sit frustra omnino, atque inutiliter illam a nobis inquiri, præsertim cum

cum voluntatis Dei causas scire querimus, cum potius ipsa voluntas Dei omnium, quæ sunt, sit Causa [1].

XL.

Contra Cartesium etiam, & Gassendum defendimus Corporis physici essentiam in triâ dimensione, vel impenetrabilitate actuali (quæ certè corpora aliquandò destitui possunt, cum plura corpora in eodem loco, etsi non idem corpus in pluribus locis, circumscriptivè existere possit) positam non esse: corporis enim physici naturam a mathematico corpore plurimum distinguendam esse arbitramur.

XLI.

Quamvis itaque Continuum Mathematicum in infinitum divisibile concedatur, Corpus tamen, vel Continuum physicam in infinitum physicè dividi posse negamus. Perperam verò, atque inutiliter ad Geometriæ leges provocamur, non enim sensibiles lineæ sales sunt, quales Geometria dicit [2].

XLII.

Quod quidem physici, ac mathematici corporis discrimen cum Cartesius ipse non satis accommodè perpendisset, & quietis naturam realem, ac positivam esse credidisset, mirum esse non debet, si plurimas motuum leges effinxit, quæ a veritate, & experientis ipsi abhorrent.

XLIII.

Si quid autem ab illo, nisi feliciter, ingeniosè tamen excogitarum videri debeat, id certè est gravitatis origo, quam ex vorticoso subtilis, ac æthereæ substantiæ motu repetendam esse decernit; Ætheris tamen, atque aëris pressio veluti prima Gravitatis causa haberi non potest; quemadmodum nec etiam magnetica vis illa, quam Telluri

con-

[1] Aug. [2] Arist. III. Met. tex. 8.

11

concedit Gassendus; sed longè verisimilius est intrinsecum esse Gravitatis principium, qualitatem nimirum corporibus ipsis impressam.

XLIV.

Ab ipsâ certè oritur gravium decidentium acceleratio per numeros impares a Galileo Galilei primùm observata, ut spatia peracta quadratis temporum tepondeant: quæ tamen proportio limites habet, eosque satis angustos. Quemadmodum etiam licèt ejusdem Corporis gravitas pro diversis regionibus diversas exerat vires, nullam tamen ex diversâ locorum, aut a centro terræ distantia rationem servare deprehenditur.

XLV.

Quod & in aëris densitate, ejusque legibus admiramur; licèt enim in mediocri altitudine spatia, in quæ comprimitur aër, sint ponderibus comprimentibus reciproçè proportionalia, ut ingeniosè Mariotte excogitavit, non ubique tamen ejusmodi leges observari accuratissimè compertum est.

XLVI.

Hæc autem omnia ex ipsâ ferè Aëris gravitate originem sortuntur, quam aër juxta quamcunque directionem in proprio quoque loco exercet: *in sua enim regione omnia gravitatem habens, etiam aer ipse* [1].

XLVII.

Perperam tamen ex aëris recurrentis impetu continuari motum ait Aristoteles, cum id efficiat impetus a projiciente rei projectæ impressus.

XLVIII.

[1] Arist. iv. de Caelo.

XLVIII.

Quemadmodum verò Gravititas in corporibus reperitur, ita plurima quoque sunt accidentia, seu qualitates, quæ licet ab ipsâ corporum substantiâ realiter distinguantur, sine illâ tamen naturaliter existere nequeunt.

XII.

Cæteras inter ejusmodi qualitates principem ferè locum habere dicitur *divina, folique Deo nota* [1] Magnetis virtus, quâ ferrum attrahit, atque altera quoque longè admirabilior, Veteribus prorsus incognita, quâ sese ad polum dirigit. Utraque tamen ex eodem principio desumi, atque explicari posse videtur.

L.

Atque utinam id quoque liceat in arcanâ lege, & periodo, quâ acûs magneticæ declinatio variari subinde conspicitur, definiendâ! Interim tamen ingeniosam Halleij hypothefim, ejusque Curvam Telluri circumductam amplectimur.

[1] Galen. lib. de Thor. & Avicen.

F I N I S.









